

# PRATIQUES AUTOUR LA NAISSANCE EK LA MORT DANS L'ISLAM

COMPRENDRE L'ISLAM DE L'INTÉRIEUR



Dans l'Islam, naissance ek la mort zotte pas considérer zisse couma évènements naturels, zot considérés couma banne moments sacrés ki rempli avec bénédictions, respect ek spiritualité. Chaque étape, depuis premier souffle ziska dernier, zotte accompagné par bann pratiques ki rappelle nous la présence d'Allah, ek la l'importance pou suivre le pratique du Saint Prophete (saw).

# NAISSANCE

---

**1** En Islam, kan ene zenfant musulman né, premier pratique (Sunnah) ki fer c'est lire Adhan ek Iqamah dans so zoreille. Sa kapav faire par n'importe ki dimoune, et zotte lire sa en murmurant dans zoreille de nouveau né la. Adhan c'est l'appel à la prière, et Iqamah c'est pou annoncer ki la prière pou commencer. **L'objectif de sa pratique la c'est pou faire nous rapel ki but principal de nous la vie c'est adore Allah, et nous mette en avant sa vérité la depi naissance meme d'ene nouveau né.**

**2** Ensuite, par tradition, premier nourriture ki bébé la gouter ena so propre l'importance. Alors avant ki li commence boire, **ene membre pieux dans la famille donne li ene ti bout date ou du miel.** Sa ti ene pratique de Rasouloullah (saw) et ziska zordi banne musulmans encore suivre sa.



**3** D'après tradition islamique, **bisin rase la tête de sa bebe la lor septième jour** après naissance. Si pas reussi faire lor septième jour, kapav faire le **14ème** ou le **21ème** jour.

**4** Pou banne garçons, ena aussi **la circoncision, ki ene pratique essentiel** ki remonte ziska l'époque du prophète Ibrahim (as).

**5** **Lor septième jour**, sacrifier ene zanimal. Sa li connu comme Aqeeqah, et ensuite kapave invite la famille, voisin et banne proches. Ene partie la viande partagé avec banne pauvres. **Pou ene fille, faire sacrifice d'ene zanimal et pou ene garçon, sacrifier deux zanimal.**

# DÉCÈS

Islam enseigne nous pou traite la mort avec beaucoup dignité ek respect. **Banne musulmans bisin faire zeffors pour enterre le défunt le plus vite possible, et évite faire banne manipulations inutile.** Bisin traite le corps du défunt avec boku respect et accompli banne rites selon Sunnah de Nabi Kareem (saw). Bisin kumanser par fer le Ghusl (donne ene bain au défunt) et ensuite enveloppe li correctement dans deux draps blancs, avant mette li dans ene cercueil.



Après sa, bisin accompli la prière funéraire (Salat-ul-Janazah). **L'Imam dirize prière la, et tous dimounne déboute en rang derrière li.** Sa la prière la li différent de banne la prières au quotiden : pena ruku ou sajdah, et la prière la être récité en silence.



Après sa, bisin amen le défunt dans cimetière pou enterré. Lor so tombe, finne déconseillé **mette banne fleurs, décorations ou kitte souvenir.** Islam finne plutôt enseigne nous pou rappelle Allah, So miséricorde, ek faire duah pou le défunt. **En Islam, li pas permette pou faire le crémation.**

Sa banne pratiques là c'est banne pratiques de Rasouloullah (saw) concernant naissance et la mort. **Tous lezot pratiques ki contredire l'enseignements islamique ou ki fine ajouté par tradition ou coutume, zotte considérés comme innovations (Bid'ah) et bisin ress loin de sa.**